



**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-1-2233/11  
Sarajevo, 7.12.2011. godine

01/0-50-1  
08-12-2011  
by

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO: 08-12-2011			
Organizaciona jedinica	Klasifikaciona oznaka	Redni broj	Broj priloga
01-50-1-15-12		11	

**PARLAMENTARNA SKUPŠTINA BiH**

*- Zastupnički dom -*

**SARAJEVO**

**PREDMET:** Odgovor na zastupničko pitanje – dostavlja se

Vijeće ministara Bosne i Hercegovine, na 168. sjednici održanoj 7.12.2011. godine, utvrdilo je Odgovor na pitanje koji je postavio Adnan Bašić, zastupnik u Zastupničkom domu Parlamentarne skupštine Bosne i Hercegovine.

U prilogu prosljeđujemo Odgovor radi njegovog dostavljanja zastupniku.

S poštovanjem,



**GENERALNI TAJNIK**  
*Zvonimir Kutleša*



**BOSNA I HERCEGOVINA**  
**VIJEĆE MINISTARA**

Broj: 05-50-1-2233/11  
Sarajevo, 7.12.2011. godine

Adnan Bašić, poslanik u Predstavničkom domu Parlamentarne skupštine Bosne i Hercegovine, na 12. sjednici Predstavničkog doma Parlamentarne skupštine Bosne i Hercegovine održanoj 27. oktobra 2011. godine uputio je Vijeću ministara BiH sljedeće poslaničko pitanje:

« Kada i kako će se riješiti status i osigurati nesmetan rad Biblioteke za slijepa i slabovidna lica kao i sedam institucija nauke, kulture i umjetnosti od značaja za Bosnu i Hercegovinu? »

Na postavljeno poslaničko pitanje Vijeće ministara Bosne i Hercegovine je na 168. sjednici održanoj 7. 12. 2011. godine, utvrdilo sljedeći odgovor

**ODGOVOR**

Ustavom BiH oblast kulture u Bosni i Hercegovini u nadležnosti je entiteta, a u entitetu Federacija BiH u nadležnosti kantona.

Zakonom o ministarstvima i drugim organima uprave BiH definisano je da je Ministarstvo civilnih poslova BiH, kada je riječ o oblasti kulture, nadležno za «utvrđivanje osnovnih principa koordinacije aktivnosti, usklađivanje planova entitetskih tijela vlasti i definisanje strategije na međunarodnom planu».

U skladu s navedenim nadležnostima u oblasti kulture, na nivou BiH nije moguće donošenje zakonskih rješenja bez prethodne saglasnosti entiteta i kantona.

Ministarstvo civilnih poslova, u cilju sagledavanja situacije kada su u pitanju institucije kulture u BiH, u više navrata tražilo je informacije od institucija kulture, te iz zadnjih akata koje smo dobili izdvajamo da je **Biblioteka za slijepa i slabovidna lica BiH** osnovana je Zakonom o biblioteci za slijepa i slabovidna lica u Republici BiH (Sl.list R BiH br.9/95). Danas djelatnost obavlja na osnovu Zakona o biblioteci za slijepa i slabovidna lica u Republici BiH (Sl.list R BiH br.9/95). Upravni odbor imenovan na osnovu čl.25. stav 3. Zakona o ustanovama (Sl.list R BiH 6/92,8/92 i 13/94) i u vezi sa članom IX 5(I) Ustava Federacije BiH, Rješenje o imenovanju potpisao je 10.11.2000. ministar obrazovanja, nauke, kulture i sporta FBiH. Upravni odbor je na osnovu konkursa izabrao direktora.

U Republici Srpskoj djeluje Biblioteka za slijepa i slabovidna lica Republike Srpske.

Ministarstvo civilnih poslova u proteklom periodu iniciralo je više sastanaka sa direktorima institucija kulture u BiH i nadležnim entitetskim ministarstvima, te iniciralo i određena zakonska rješenja za koja nije bilo potrebne saglasnosti svih nadležnih entitetskih i kantonalnih ministarstava da bi inicirana zakonska rješenja mogla biti upućena u proceduru usvajanja.

Kako bi se pomogao rad institucija kulture u BiH Vijeće ministara BiH i Ministarstvo civilnih poslova, u skladu s odredbama Zakona o Budžetu institucija BiH i međunarodnih obaveza BiH, godišnje objavljuje konkurse i dodjeljuje grant sredstva kao pomoć u sufinansiranju programa i projekata institucija kulture u BiH.

Zakon o Budžetu institucija BiH i međunarodnih obaveza BiH za 2011. godinu nije usvojen i Vijeće ministara BiH niti Ministarstvo civilnih poslova u ovom trenutku nisu u mogućnosti pomoći u sufinansiranju programa institucija kulture u BiH jer nemaju na raspolaganju finansijska sredstva iz kojih bi to mogli učiniti.